



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

კუდაროს მღვიმოვანი

კუდაროს მღვიმოვანი, კარსტულ მღვიმეთა მრავალ-სართულიანი სისტემა დას. საქართველოს კარსტული ზოლის უკიდურეს აღმ. ნაწილში – კუდაროს მასივში. მდებარეობს ჯავის მუნიციპალიტეტის ტერიტ. ორგანოს – კვაისის ტერიტორიაზე, მდ. ჯეჯორის (რიონის მარცხ. შენაკადი) ხეობაში. მღვიმეები გამომუშავებულია 1500–1700 მ სიმაღლეზე ზედა იურის (ლუბიტან-ტიტონურ) ძლიერ დანაპრალებულ კირქვებში და უნიკალურია შესანიშნავად დაცული აშელ-მუსტიეს მძლავრი კულტ. ნაფენებით. კ. მ-ის კარსტული მღვიმეებიდან აღსანიშნავია მორფომეტრიული თვალსაზრისით განსხვავებული კუდაროს I, II, III, IV, V, VI მღვიმეები და მათ სამხრ.-დას-ით 0,5-1 კმ-ზე მდებარე კუდაროს შახტი. მღვიმეები მიკვლეული და შესწავლილია ვახუშტის სახ. გეოგრ. ინ-ტის სპელეოქსპედიციის მიერ.

ლიტ.: ტ ა ტ ა შ ი ძ ე ბ., ნ ი ქ ა რ ი შ ვ ი ლ ი კ., ჯ ი შ კ ა რ ი ა ნ ი ჯ., საქართველოს კარსტული მღვიმეების კადასტრი, თბ., 2009.
